

四庫全書

子部

欽定四庫全書

子部

續名醫類案卷四十六至

八

詳校官太醫院醫官臣姜晟

編修臣倉聖脈覆勘

總校官編修臣王燕緒

校對官中書臣劉源溥

謄錄監生臣陳箴

欽定四庫全書

續名醫類案卷四十六

錢塘魏之琇撰

小兒瘡疾

萬密齋治一兒歲半病瘡二日

發久不愈黃瘦面浮

腫腹脹用平瘡養脾丸治之愈人參白朮茯苓甘草

當歸川芎陳皮夏麴蒼朮厚朴柴胡黃芩豬苓澤瀉

草果常山青皮辣桂鱉甲各等分於五日或三元八

節天月德要安普護福生除開破日修合酒煮麩糊  
丸麻子大陳米湯下

一兒病瘡醫用截瘡藥內有砒丹三截之遂成疔瘡其  
父懊恨前藥之誤萬用平瘡養脾丸治瘡集聖丸治  
疔調理一月而愈

一兒病瘡一日一發萬用家傳斬鬼丹截之止三日後  
一發再截之俱三四日又發其父怪而問之時六七  
月棗熟疑其必啖生棗故止而復發也問之果然乃

禁之先用胃苓丸調理三日更以斬鬼截之遂愈五  
月五日午時用黃丹研獨頭大蒜研如泥同杵衆手  
為丸隨人大小發日五更取長流水面東下

汪氏子七歲病瘧三年諸醫不效萬視其外候面色黃  
白山根帶青腹大而堅此久瘧成癖癖為潮熱當與  
補脾消癖瘧熱自除恨無九肋鱉甲耳汪求得之因  
立一方用人參白朮青皮陳皮三稜莪朮木香砂仁  
當歸川芎黃連柴胡鱉為末神麴糊丸炒米煎水日

三服調理五十餘日而安

李氏女七歲先患外感後變瘡因用截藥變作痢至冬  
痢雖止瘡益甚萬視其外候大骨高起大肉陷下髮  
稀目陷面黃鼻燥不思飲食唯啖蓮肉乃內傷脾虛  
疳勞症也醫皆謂不可治萬云可治也至春必愈用  
集聖丸一料次年二月果安

王氏子病瘡三日一發用胃苓丸合小柴胡湯方作丸  
服之初三日一發又間日一發後一日一發初發於

午後漸移於辰刻問曰連日服藥瘧發轉頻何也曰  
此瘧將退之漸也蓋瘧三日一發者邪氣深難已一  
日一發者瘧氣淺易愈午後發者邪在陰分難已午  
前發者邪在陽分易愈今自三日移至一日自陰分  
移至陽分故云將退之漸也時有丁醫聞其說笑曰  
那得許多議論吾有秘方治瘧如神遂求治之不知  
其所用何物自此仍三日一發發以酉時至次日已  
後始退萬仍為調理一月而愈

孫文垣治丁氏子纔二歲患瘡母上壅咳嗽每午後發  
熱至子丑時乃退終日啼哭不止驚口白屑神氣大  
弱又痘後遍身瘡疥未愈諸醫有灸之者有割之者  
有以膏藥貼之者種種施之不應孫曰乳下嬰孩臟  
腑脆薄不可亂攻亂補參芪足以增其效灸割適以  
驚其神安能取效教以白朮鱉甲各一錢五分青蒿  
麥芽陳皮各八分烏梅一個貝母知母各六分甘草  
三分八帖全愈



水鑑仙人治百日兒瘡歌云瘡是邪風寒熱攻直須術  
治免成空常山刻作人形狀釘在孩兒生氣宮如金  
生人金生在巳即釘巳上木生人釘亥上火生人釘  
寅上水生人釘申上也常山乃截瘡之藥

熱書  
初編

萬密齋外孫未周歲因傷食發間日瘡在子丑時發則搗  
咬牙呻喚大便黃綠努而出以口吮母口得乳即止  
瘡後汗出心下跳腹中鳴頂微熱未十日成疔矣面  
色眈白顛陷髮疎見漸羸瘦此先受暑濕暑則為瘡

濕則為痰又傷飲食脾土衰而肝木旺瘧曰食瘧瘧  
曰食瘧用加減當歸龍薈丸加味參苓白朮散其母  
服四物湯加柴胡升麻麥冬木通酒苓桔梗各五分  
薄荷七分燈草水煎服而愈

一兒病瘧醫以柴苓湯投之二三日不效乃用平瘧養脾  
丸而愈一女先驚後瘧瘧久成瘧用集聖丸調理一  
月而安一兒先瘧後驚用調元湯琥珀抱龍而痊  
一兒久瘧成癖因癖生熱或三五日一發發則餘日不

止常在申酉時但不寒顛又微惡寒即發熱熱亦不甚發過不渴不頭痛用消癖丸平瘧養脾丸間服半年而愈

馬元儀治金氏子寒熱如瘧兩脉弦虛無力脉弦為風發脉虛為氣少正虛則外風得襲入乃為寒熱不當與氣實有餘者同治乃用補正散邪一法用人參桂枝乾薑肉桂半夏廣皮炙草等調理數日而安

小兒痢

萬密齋姪七歲久痢不已為製九劑治之九者緩也以  
治久病也用錢氏異功散合香連丸為主加豬苓澤  
瀉車前子以利其小便神麴麥芽以消其積滯訶子  
肉豆蔻炒乾薑以止痢合之曰和中丸約二兩許服  
之未盡而痢止此為家秘治久痢不止方也

汪某年六十生一子三歲病痢醫下之太過脾胃受傷  
中氣下陷又一醫以豆蔻香連合粟殼等止之痢益  
甚後重而少物萬視之曰老年之子胎稟已弱下之

太過而下陷法當舉之陳莖未盡劫澁之劑亦不可  
用也乃以錢氏異功散加香連歸芍山藥蓮肉神麴  
糊丸服之旬日痢止元氣未復也令前藥調之適有  
人曰吾有阿魏治痢甚效即以五分作九五粒令兒  
服之此不可服也汪曰今早服一九飯後服一九服  
後熟睡未醒萬曰痢止矣何必服藥此藥太峻元氣  
被傷恐非正腫也試呼之應推之不知入視白眼張  
露氣已絕矣詳記之以為輕妄用藥之戒

耳聾久吾兒周歲餘因乳少粥飯成積又多麪食致積痢  
先水瀉後濃血時已斷乳飲食少進睡不閉目肛如  
竹筒指紋已過命關症極重乃用清熱消積等藥以  
茶匙緩緩灌灌覺精神極困時另以人參麥冬煎湯  
少少與之以保元氣如是數日痢漸止但其肉削加  
柴調養半年始復舊

小兒痢疾

萬密齋治孫撫軍女五月病痢至七月未愈萬至病亟

矣用人參茯苓甘草當歸白芍黃苓車前陳皮各等  
分炒乾薑少許煎服畧差五日大安孫問諸醫皆用  
木香黃連今乃不用所用皆非治痢之藥而效者何  
也曰此乃河間黃苓芍藥湯方也所謂調其氣則後  
重除養其血而痢止之法也

祝道士子長七歲病痢半年不愈萬與一方用人參白  
朮茯苓甘草黃芪桔梗木香黃連訶子肉豆蔻車前  
炒乾薑澤瀉神麴當歸麥芽白芍為末水麵丸米飲

下一月而安名和中丸

一女十歲患痢久不止脉洪數或曰下痢脉宜小今脉洪數恐難治萬曰無妨玉函經曰欲識童男并童女決在寸關并尺裡自然緊數甚分明都緣未喪精華氣此童女脉宜如是胃氣尚強不久自愈果數日痢

漸止

張縣尹女半歲病赤白痢甚苦萬用黃連一錢木香五分石蓮肉五分陳皮七分炒乾薑二分為末神麴丸



黍米大陳米湯下而安

張景岳治都閩錢旭陽長男年及兩周季夏間以生果傷脾先瀉後痢自善醫知其生冷所傷乃與參朮薑桂溫脾等藥不效漸至唇生瘡乃謀之張曰此兒明為生冷所傷而不利溫藥奈何張曰此因瀉傷陰兼之辛辣遽入而虛火上炎耳非易以附子不能令火歸元也因用二劑而唇口瘡痛咽腫倍甚外見於頭面之間病更劇復詢曰用藥不投如此豈真因濕生

熱耶張診之曰上之脉息下之所出皆非真熱本屬  
陰虛今熱之不效雖在可疑然究其所歸意者藥猶  
未及乎錢曰尚有一證大喜熱飲人所不能入口者  
彼安然吞之雖喉中腫痛若此弗顧也此迨真寒之  
驗乎張曰是矣是矣遂復增附子一錢五分及薑桂  
肉果人參熟地之屬其瀉漸止其喉口等症亦不日  
全收矣疑似之間難辨如此治者可不慎哉

喻嘉言治葉氏幼男病痢噤口發熱嘔噦連聲診其關

脉上涌而無根再診其足脉亦上涌而無根曰此非  
噤口痢症乃胃氣將絕之症也噤口痢者虛熱在胃  
壅遏不宣故不思食治宜補虛清熱兩法此因苦寒  
之藥所傷不能容食唯有溫補一法而已以理中湯  
連進二劑不一時下十餘行乃恐誤求更方曰吾意  
在先救胃氣之絕原不治痢即治痢人之大小腸盤  
疊腹中甚遠雖神丹不能遽變其糞今藉藥力催之  
速下正為美事為可疑之遂與前藥連服二日人事

大轉思食不噦四日後只便糟粕以補中益氣調理旬日全安此可見小兒之痢縱啖傷胃者多內有積熱者少尤不宜用痢疾門中通套治法也

陳慶長知縣名祖永云頃守官南康其子年十歲患噤口痢水漿不入者數日惟能進藥同官家有方書載一治法試用之一服而痢稍疎三服遂索粥飲頓食半盞許自是痢止而安其法用乾山藥一半炒黃也一半生用研為細末米飲調下

一人有小女患痢脫肛叔權傳得一方用草茶葉一握薑七片煎令服而愈然不知其方所自來也後閱蘇文始知生薑咬咀煎茶乃東坡治文潞公痢方也

資生  
徑

陳良甫云甲子夏秋間僕處一趙經略廳有姪孫年九歲病痢甚重召小方脉未至遂令僕診之六脉平細以證觀之是血痢其實非也只是血水而已僕云記得調中湯治狀云夏月初秋忽有暴寒折於盛熱結於四肢則壯熱頭痛寒傷於胃則下痢或血或水或

赤壯熱冥悶脉數宜服此遂合之去大黃服之而愈

良方

姚公遠幼子病痢一醫誤下之遂下純血氣喘身熱不思食仲淳至亟以人參四五錢石蓮子白芍升麻橘紅草石蠶扁豆滑石炙草一劑喘平血止又數劑痢止臨別囑公遠曰兒百日内不出痘則生以下多元氣未復故也未幾即痘果殤家弟稚端幼病痢甚日夜數十次服數劑即愈人參三錢吳茱萸泡七次一錢川黃蓮薑汁炒一錢後二味飯上蒸水煎至八分

溫服如不受以藥一匙間米湯一匙漸漸飲之胃氣  
漸復如頭痛發熱加石膏六錢乾薑一錢別調六益  
散四錢冷水服

小兒瘧痢

陸祖愚治張登之男年十四患瘧截早變成痢疾舌滿  
晡熱眼胞紅腫而痛所下紅白相間日夜三四十次  
或與消積溫補斂溢俱不效而轉劇脉之左手弦數  
右關沈實右寸浮滑此瘧疾失表又內傷飲食風熱

泊於腸胃而為病也先用山查枳實苓連木通澤瀉  
小柴胡甘草并下香連丸服丸藥兩許煎藥四劑遂  
積減胃開調理旬日但下淡白積一二次又數日大  
更實矣忽一日仍不思飲食日行二三次十餘粒米  
不進計大更數十行蓋連日粥食過多而復傷也今  
積滯已行腸中潤滑無所慮矣仍用小柴胡歸芍知  
苓查橘之類宿垢盡行胃氣仍復乃加減前方入參  
朮調理而安



萬密齋治李氏女初病瘧又病痢瘦發熱少食日啖蓮肉五六枚乃與集聖丸而愈

小兒嗽

張子和曰鹿子春一小兒八歲夏月病嗽羸甚余欲涌之子春以為兒幼弱懼其不勝少難之一日因飲酒家人與之酒傷多大吐吐定而嗽止蓋酒味苦苦屬通劑乃大悟余之言也

萬密齋治胡元溪子五歲春病嗽醫用葶藶丸乍止乍

作至夏轉作又一醫用五拗湯不效或以葶藶或以  
五拗發表攻裏其嗽益加至百十聲不止面青氣促  
口鼻出血勢急矣曰自春至秋病已半年治之不易  
乃用二冬二母卮苓甘桔蘇子茯苓陳皮去白連進  
三劑咳只二三十聲一醫以二陳加防風百部杏仁  
紫莞桑皮萬曰肝氣已逆吾方降之其咳稍罷防風  
百部升發之品似不可用彼云防風百部乃咳嗽聖  
藥也服之氣上逆而咳百十聲不止口鼻血復來再

求治仍用前方取生茅根搗自然汁和藥與之五日而血止去茅根或加欬冬杏仁以止其咳或去黃苓梔子加人參白朮以補其脾或加阿膠以補其肺調理二旬而安蓋方春時多上升之氣肺感風寒當與發散葶藶丸乃攻裡之劑肺金本虛而反瀉之此一逆也夏天火旺肺金受剋當用清金瀉火之劑五拗湯乃發散藥也用熱犯熱此二逆也一汗一下肺金大虛矣方秋時氣應降而不降反用生發之劑此三

逆也今用收斂清降之藥以平其浮游之火火衰於  
戌時值九月故病易已許氏子病嗽痰中帶血或用  
茅根湯竟不效延萬治因問先生治胡元溪子用茅  
根此亦用茅根然不愈何也曰彼病於秋肺旺肝燥  
此病於冬血衰時也且彼乃口鼻出血屬陽明胃此  
是痰中有血屬太陰肺病既不同治亦有別乃用阿  
膠為君杏霜瓜蒌霜貝母為臣蘇葉桔梗甘草為佐  
煉蜜作丸薄荷煎湯化服而愈

萬石泉女病久嗽不止胸高氣急曰此龜胸病也胸者

肺之腑也肺脹則胸骨高起狀而如龜殼吾聞其病

未曾治之故無方也或者不可治乎石泉曰氣脹者

肺實也當服葶藶丸曰病有新久症有虛實

知為虛何不投

補再服葶藶瀉肺之劑恐有虛虛之禍不聽竟以是

卒

吳孚先治一小兒咳嗽動便作痰聲喉如曳鋸脉數洪

滑紋如魚刺用加減二陳湯兼服神仙玉露散而痊

萬密齋舉人蔡沙江子病咳久不止其咳連聲不絕咳時面青右手常自擺動曰不可治也問何故曰咳者肺病也肺屬金而青者肝之色也肝屬木手擺者肝風欲發之狀木來侮金寡乎畏也今十月金病木生之時四時之序將來者進成功者退木生而進金病而退必發搐甲乙日劇果甲乙日搐而死

曾芸塘子九歲病咳半夜甚乃胎稟不足腎虛嗽也用  
人參固本丸加阿膠桑皮盡而安又汪元津子病腎

虛嗽與上症同亦用人參固本丸加茯苓知母貝母  
山藥各等分為丸服之而安

蔣仲芳治盛氏女十餘歲患內熱乾咳特甚醫與清火  
滋陰麥黃苓之品服之不效脉得弦數脉症湯藥甚  
相合也因何不愈沈思間忽聞女衣有烟火氣詢其  
曾卧火箱中乎曰然即以前方與之令其遷卧牀上  
遂不終劑而愈問故曰咳嗽火熱燦金以清火潤肺  
之品治之甚當其如外火復偏一杯水其能救車薪

之火乎今離却外火而病自愈耳

小兒喘嗽

萬密齋治一兒四歲忽作喘氣逆痰壅鼻孔開張萬曰

此馬脾風也

以鼻煽命名也

如胸高肩聳汗出髮潤

皆下脫也

不可治須急治之以葶藶丸去防已加大黃除肺之

熱合小陷胸湯除肺之痰礮為細末竹瀝調服

作實治

一兒病兩腮紅上氣喘急脉浮緩而濡此得之傷食食

傷脾胃虛則不能養肺母病子亦病也兩腮紅者虛



熱也上氣喘急者肺虛也脉浮緩而濡氣虛也時醫咸以驚風為治用抱龍丸牛黃丸蘇合丸不效聞其言皆匿笑乃以阿膠炒成珠煎蘇葉烏梅湯化服三

劑而瘳

方却妙

一小兒痰壅氣促而喘且發搐萬以礞石滾痰丸桑白皮湯碾碎調服之喘定痰下搐亦止矣

一富小兒先病瀉醫以藥服之乃作喘歸咎於醫萬曰非醫之誤乃冷傷脾作瀉脾傳肺作喘脾為母肺為子

傳其所生也用陳氏芎藭散一服喘止而安後用此方治瀉後喘者良驗

一女子素有喘病發則多痰用補腎地黃丸或曰喘者肺病也今補腎何也曰肺主氣腎則納而藏之痰涎者腎之津液所生也哮喘吐痰乃氣不歸元津液無所受也果服此而安

朱丹溪治一女年十二自小喘嗽白朮陳皮青皮各五錢麻黃茯苓木通片苓各三錢蒼朮桔梗各二錢乾

薑一錢甘草五分每貼一錢半煎服

龔子才治一小兒外感風邪服表散之劑汗出作喘此邪氣去而脾虛也用異攻散而汗喘止再劑而乳食進

馮楚瞻治同姓子三歲平時面色皸白顛門寬大顛骨

開解一夕忽發微喘不能睡倒抱起稍可至三二日

雖抱起而喘急不減出多入少兩眼逆急

肝腎大虧

理宜

用上病療下之法恐不肯輕服乃設詞曰喘已多日

肺氣虛矣當以人參錢許配生脉飲作湯化服啟脾丸乃愈也急歸寓以八味丸杵作大丸代之服下喘日減四五日後本症悉平精神倍長屢索啟脾丸而顛門顛骨俱長滿矣

吳孚先治一小兒氣急而喘喉中聲如水雞叫用五拗湯而愈

錢國賓治中翰陸登之次子自幼吼喘日夜不絕今八歲莫愈身體無病診右寸浮滑主肺竅有痰喘吼三

白丸燉白批貝母桔梗各三分飯九黍米大每睡冷  
茶送下五丸至五日此子索物厭其母嗔之猛然一  
噓吐出黑痰一塊如圓眼大其臭滿室剖開內色大  
黑瓜子一枚尖少破從此乳喘即止舉家感激除此  
子一生之患矣及問其故曰肺有六葉兩耳四垂如  
蓋清虛之臟纖塵不染因乳子誤吞瓜子入於肺縫  
久則痰膠阻礙呼吸之氣作乳喘聲也今藥力攻出  
肺清而金不鳴則無聲痰出而呼吸利則無乳喘症

矣

小兒哮

萬密齋治胡三溪女素有哮病遇天欲雨則發發則多痰服五虎湯九寶湯即止不能斷根曰是益痰聚則作喘痰去則止痰者水液之渾濁者也難經云腎主液液者水所化也腎為水臟入心為汗入肝為淚入肺為涕入脾為涎此腎水泛為痰而喘也乃以六味地黃丸服之不復發矣

陳三農治一小兒鹽哮遇陰雨即發聲如曳鋸以白砒一錢入精豬肉四兩內以鹽泥固濟火煨出清烟取出研細入江西豆豉一兩搗和為丸如黍米大白水下二三十丸忌油膩葷腥一月而愈

朱丹溪治一男子年十四歲哮十日則發一遍此痰在上焦不得汗洩正當九月十月之交宜溫散仍與小胃丹佐之溫散如麻黃黃芩每帖用一錢半入薑汁研細末以水盞半煎去渣飲之每夜臨卧時與小胃

丹十二粒津下之

楚瞻治朱姓兒三歲哮喘大作數日身熱汗出或以滾痰丸利之益甚脉洪數胸脇扇動扶肚肩頭汗如雨不食不眠日久喘下元已傷復以峻利傷之故見諸惡候也以人參麥冬各五錢五味三粒肉桂二分煎服日二三劑喘頓減至夜復作此氣少復而陰未有以配之也以八味之加牛膝麥冬五味者內熟地六錢桂附各四分水煎冷服午前各一劑睡醒食進



喘止但勞動則喘聲微有此未復元之故以生脉飲  
調理三四日全安

小兒虛損

竇材治一幼女病咳嗽發熱咯血減食先灸臍下百壯  
服延壽丹黃芪建中湯而愈戒其不可出嫁犯房事  
必死過四年而適人前病復作竇曰此女稟賦素弱  
只宜固守終老不信余言破損天真元氣將脫不可  
救矣強余丹服之竟死

李士材治汪氏兒年方舞象

太

發熱咳嗽羸弱頭眩二

冬二母知柏黃苓不啻百劑病勢轉增脉之右虛軟

乃脾肺氣虛火不生土之候也用補中益氣加五味

子苡仁薑桂至三錢

必因苦寒過傷乃可

十劑而減兩月乃安

春初又發令其服補中丸一錢諸症永不作矣

柴嶼青曰六兒身熱懶食脉細而無力屬陰虛血少服

逍遙二劑未效內人力請延醫及診視云脉弦為脾

瘧余固爭脉並不弦醫不服強令服二劑身熱更甚

遂立意服壯水之劑二十帖始愈至乙丑復患身熱服六味湯四十日始霍然因歎曰幸是自家小兒故得自主倘他人延治四五劑未效必更醫矣能保其不誤事哉

馮楚瞻治張氏子年十三忽患腿癱外科云勢難消散出膿得兩月收功視其體浮胖色晄白知為先天不足矣再診其脉六部沈細而微復視其腫則右腿為甚色白而冰冷經曰血氣不知留結為癱今但使血

氣和而無留結癰何由成與八味湯加牛膝杜仲各二錢食前服之一劑腿溫痛減半三四劑全瘳

薛立齋治一小兒九歲解顛足軟兩膝漸大不能行履此腎稟不足用六味丸加鹿茸三月而能步履

一小兒年十四肢體倦怠發熱晡熱口乾作渴吐痰如涌小便淋瀝或面目赤色身不欲衣此亦稟賦不足也用補中益氣湯及前丸而愈

一小兒十五歲而御女大小便道牽痛服五苓散之類

虛症蜂起與死為隣用補中益氣湯加減八味丸而愈

一小兒十三歲內熱晡熱形體倦怠食少作渴或用清熱等藥治之虛症悉具以為所稟怯弱用六味丸加鹿茸補之不越而痊

萬密齋治一兒四歲出痘時頸軟頭傾曰此兒胎稟不足瘡毒正發壯火食氣亟補元氣使痘易發易靨幸而保全再補其陰不然恐難出二八數也乃大作調

元湯連進之獲安

江蘭峯子七歲頭面汗出如流用人參當歸二味同積  
猪心煮湯服之安

一女嗜卧發熱項軟頭傾欲作風治持疑未決萬曰此  
陽虛病也蓋頭者諸陽之首胃者諸陽之會此女必  
乳食傷胃胃氣不足故清陽不升而頸軟不能任元  
也可服調元湯一劑而愈

一小兒脫肛半載恪服升補元氣之藥而愈

繆仲淳治里中一童子年十五患寒熱咳嗽面赤鼻塞  
夜劇家人以為傷風繆視之曰陰虛也蓋傷風之症  
面色宜黯今反赤而明傷風發熱必晝夜無間今夜  
劇鼻塞者陰虛則火上升壅肺故鼻塞以是知其陰  
虛也投以麥冬五味桑皮貝母百部生地鱉甲黃沙

參不四劑而瘳

廣筆  
記

立齋曰一小兒十四歲解顱自覺頭大視物皆大畏日  
差明先兄以謂腎稟怯弱用六味丸加五味鹿茸及

補中益氣加山藥山萸半載漸愈二載而顛合後畢  
姻覺顛門開解足心如炙喜其斷色慾戒厚味日服  
前藥二劑三載而愈

一小兒白睛多黑睛少吐瀉後喉瘖口渴大便不實朝  
夕悉服地黃丸而痊後患瀉其喉復瘖仍服前丸遂  
愈

續名醫類案卷四十六



欽定四庫全書

續名醫類案卷四十七

錢塘魏之琇撰

小兒

疳病

萬密齋治朱氏子年七歲脾胃虛弱食多則傷食少則困形瘦而黑醫者因其傷食則與枳朮保和丸以消導之因其困倦則與參苓白朮丸以補之時補時消精神日瘁將成疳矣萬曰脾胃素虛不能消穀故食

易傷也傷食而復消導之則脾益虛虛而復補脾未  
得實而傷者又至矣豈良法哉今專以補脾為主內  
兼消導名肥兒丸用四君子加陳皮青皮木香砂仁  
山藥蓮肉史君子肉神麴麥芽山查肉共為細末荷  
葉包粳米煮爛搗為丸米飲下自此不復傷食肌肉  
漸肥

教諭許厚子年十四吐血醫作痰火治不效脈之兩尺  
右關皆不足曰年未二八脉當沉緊今反不足當作

胎稟怯弱之病然觀宗師體厚何以有此必夫人有

虛病或乳少得之也

父母臟腑有病兒多稟之臨症之工宜留意也

許曰其

母孕時果病產後無乳問治法曰十六歲後病此者

曰勞十五歲前病此者曰疴疴即勞也

數語兒醫不可不知

宜

用六味地黃丸以補腎參苓白朮丸以補脾病自安

矣如言服之一月而愈

一女五歲因感冒不愈變為瘧瘧止變為痢痢止成疴

肌肉消瘦飲食減少日啖連肉十數枚萬視之曰疴

病也形色雖衰幸胃氣尚存可愈也以集聖丸調理三月而安

胡氏子一歲病腦後癰門穴

在風府穴之下天柱兩穴之中

生一毒如

桃大已潰白膿不乾萬視之曰此無辜瘡也法不能治或問何謂無辜瘡曰此全幼心鑑所載也有妖鳥名睢一名夜行遊女白晝不出夜則出飛此鳥無雄飛入人家遇襦祿衣晒晾未收者則布毒其上兒著此則病而死掠取其魂化為已子是名無辜瘡亦傳

屍之類也其病頭上有核破之內有白粉况項後之  
疽又九不治中之一症也故云難治後五日果死

孫文垣族孫女年十歲大便脫肛鼻中時常出血夜多  
咬牙肚熱面黃將成疳症以山查青蒿枳實升麻酒  
連滑石各一兩甘草蘆薈乾蟾各五錢為末神麴為  
丸一料全愈

龔子才治一小兒四肢消瘦肚腹脹大行步不能頗能  
飲食作渴發熱去後臭穢此脾臟傷也用異功散肥

兒丸調理而愈

薛立齋治一小兒面色痿黃眼胞微腫作渴腹脹飲食少思腹中一塊或移動小便澄白大便不實此脾疳之患用四君子加山梔蕪荑兼肥兒丸而愈

一小兒尿濁如米泔疳之候也以江南做酒小麴炒為末酒

調下三服愈

孝伯有女曰止者病疳發於目啼不可止以豚李絡伯乃取十餅投之未半而瘥

錢氏云疳在肝則膜遮睛法當補肝地黃丸主之

又孝若之乳母棄其子乳他姓子其子骨立矣又不

任見日

肝腎枯槁

紹白曰渴乳傷食亟治之必服羊肝散

一具活矣某謂紹伯某即不知醫是兒於望聞二法俱無生理紹伯曰固也吾藥能生胸突腹凹骨開者

此症未見何得勿活乎

筆談

宮氣方歌云孩兒雜病變成疳不問強羸女與男煩熱毛焦鼻口燥皮膚枯槁四肢癱腹中時時更下利青黃赤白一般般眼濇面黃鼻孔赤殼道開張不可看

此方便是青黛散孩兒百病服之安

本草  
綱目

萬密齋治一小兒五歲腹大善食初見之謂其父母曰  
乳多必損胃食壅即傷脾腹大如是又縱其口腹恐  
腸胃乃傷不成腸癖必成疳也後果成疳肚大青筋  
以集聖丸調理而安

胡鳳厓子病疳但多食則腹痛曰人以食為本穀入作  
痛豈新穀為患乎必有舊穀為積未能消去故新穀  
相持也乃與養脾消積丸服之而安



一兒八歲形氣甚弱其父責令讀書謂曰此兒稟弱宜  
懷保之不可一於嚴也留養脾丸肥兒丸與之後半  
年病成疳矣一醫謂傷食以一粒金丹服之病乃劇  
延治問前藥則未服也曰不可治矣一粒金丹內有  
草烏巴豆大毒之品此兒素性弱食少而瘦故與前  
丸調理乃舍此而服彼此犯虛虛之戒也後果歿  
朱丹溪治一富家子年十四面黃善啖易饑非肉不飽  
泄瀉一月脉之兩手皆大怪不甚瘦倦以為濕熱當

脾困而食少今反形健而多食且不渴意其疾必疳  
蟲作痢也取大便視之果蚘蟲所為適欲他往令兒  
醫用治蟲藥治之禁其勿用去積藥待再診而止痢  
也後勿果至次年春夏之交其瀉復作腹不痛而口  
乾曰此去年治蟲而不治疳故也遂以去疳之藥濃  
煎白朮湯下三日而瀉止半月後乃甚瘦教以白朮  
為君白芍為臣川芎陳皮黃連胡黃連入少蘆薈為  
丸白朮湯服之半月而止禁其勿食肉與甜物三年

當自愈

馬銘鞠治張守為幼郎患癆瘵嗜食易饑腹如蜘蛛過  
數日一瀉瀉則無度面目黧黑指節中亦幾無剩肉  
矣其母亦病診脉緊數骨蒸勞熱大渴引飲淋閉腹  
若蜘蛛曰兒病實母病也用麥冬枇杷葉生地白芍  
青蒿鱉甲之屬以治母用乾蟾為君加羚羊角犀角  
白芙蓉花牛黃每用分許日入雞肝內飯上蒸服以  
治兒再用滑石扁豆茯苓車前山查五穀蟲等分為末

拌人乳晒乾七次略入砂仁末陳米湯丸彈子大日  
進兩丸不二十日子母俱痊二方絕無藥氣故兒喜

啖之

廣筆  
記

說約云予表姪二三歲間患疳積症頭大身瘦發熱溺  
如米泔諸治不效後聞藥氣即吐束手無策偶遇異  
人傳此紅燕丹方和於糖果粥飯中與之數服全愈  
後以此濟人無不效矣

小兒

疳

俞氏兒四歲痘後失調致成疖疾猛啖而頻瀉腹大皮  
急夜哭咬牙因其母病延診藥殊無效適兒醫至見  
所用藥則香砂枳車前扁豆茯苓豆豉類皆積滲  
利之品兒益困憊其母哭泣至目腫流血乃謂曰今  
以母病託予而子病不痊則母病亦進必先愈子而  
後母可愈也問當奈何曰無已請以母所服分飲之  
則兩病俱愈矣其家非素封既難資費又無旁議遂  
如言治之不逾旬母子皆安蓋其母緣產後兒緣痘

後母則寒熱往來面足俱腫惡露逾月不止頭痛不  
眠食難下咽與兒之症同為血虛生火木盛剋土而  
然彼兒醫者烏能用生熟地黃沙參杞子黃連麥冬  
以愈是疾哉

凌素姪孫四齡予常見之曰兒將病疳不以為意也逾  
半年則疳已甚天柱傾側臍空筋青毛髮脫落股肉  
亦消嗜食而泄利極穢多怒多啼似難為矣但其皮  
未急目尚有神乃與生地杞子沙參麥冬棗仁米仁

病不減心亦疑之少加木香砂仁則瀉益甚西席黃  
澹翁通人也謂泄益甚得母香砂為害乎予曰然遂  
去之益以熟地川蓮十餘劑乃全愈予女八九歲時  
病瘡枯瘠如柴矣以六味加減熟地用八錢十劑而  
痊向後但以前方治效者不可枚舉

小兒腫脹

孫兆治殿中丞某郎中妹十歲腹痛色不變按之而大  
陷心腹痞膈病已月餘按甲乙經云三焦脹者氣滿

於皮膚中殼然石堅遂與仲景方厚朴生薑二兩半  
夏七錢甘草半兩人參一錢每用藥一兩五錢水煎  
分三服一日服之至二十日愈

張子和治郾之營兵秋家小兒病風水醫用銀粉粉霜  
之藥小溲反澁飲食不進頭腫如腹四肢皆滿狀若  
水晶家人以為強勉求治張曰此症不與壯年同壯  
年病水者或因留飲及房室此兒才七歲乃風水症  
也宜出汗乃置煥室以屏障遍遮之不令見火若內



火見外火必昏憤也使大服胃氣湯而浴之浴訖以布單重覆之凡三五重其汗如水腫乃減五分隔一二日乃依前治之汗出腫減七分乃二汗而全減尚未能食以檳榔丸調之兒已喜笑如常日矣

李時珍隣家一小兒因積黃腫腹脹如鼓偶往羊杓樹下取食之至歸而大吐痰水病遂愈羊杓乃山查同

類醫家不用而有此效則其功應相同矣

本草綱目

張景岳在京治一五歲兒適經藥鋪見有晒晾巴豆其

父誤以為松仁以一粒與食之嚼而味辣亟吐出已  
半粒下咽矣少頃大瀉十餘次次日肚腹通身腫脹  
絕口不食或謂宜黃連棗豆以解毒或謂四苓五物  
以利水張曰大攻之後豈非大虛之症乎能再堪苦  
寒以散脾否大瀉之後又尚有何水之可利遂單用  
獨參湯及溫胃飲以培脾氣不數劑而復元初夫既  
已大瀉而何以反脹若是是可知大寒虛致成腫脹  
者類多如此

馮楚瞻治何氏子九歲肚腹脹極痞塊有形肌削神困  
耳中膿潰目紅腫牙齦去血或時腐爛咳嗽氣短腿  
膝痠疼夜不能寐日不能食已成壞症詢其病由乃  
起於半周之內肚稍腫硬初時消導後用補脾兼消  
及清熱化滯六七年來腹脹更加痞硬更大牙痛耳  
目腫爛益甚僅存皮骨脉之或時弦洪有力或時弦  
而無力知為久服剋伐真氣內亂轉護邪氣謂害先  
天之真陰真陽已竭乃中空外浮之象也先以金匱

腎氣丸料加麥冬五味作湯大劑空心溫服數劑熱減腹稍軟隨以前劑沖入人參湯三錢食前日二劑十餘日後精神稍長諸症漸退後早晨以生脉飲送下加五味牛膝之八味丸三錢申酉仍以前方服之兩月諸症盡平向之痞脹如失張氏子亦患腹腫消導幾死亦以八味去附子倍熟地加麥冬五味牛膝而愈第不能久服丸藥次年夏忽兩脇腫硬如婦人之乳垂下外科與解毒不效加兩頤之下腫亦如之

百治不減或議開刀馮曰此肝腎之火上炎耳何毒  
之有仍以前方加青皮四分土貝二錢食前服之不  
十劑痊愈

一兒病腫有庸醫假專門之名不守家傳之法嘗稱得  
異人之術用牽牛葶藶為治腫方之神藥作散服之  
元氣下陷肚大坐不得卧陰囊腫大莖長而卷萬見  
之歎曰脾土已敗肝木獨旺乃賊邪也不可治矣果  
死

一兒病腫腹大彼信庸醫妄談五日消一分乃取繩子圍其腹量之投以牽牛葶藶服之利下數行腫減十分之三父母甚喜約至五日再消三分未三日又大腫較大如前庸醫聞之走去病勢並甚而死

張氏子瘡後病腫求治曰此脾虛腫也與胃苓丸用長流水煎燈心湯送下教以每日午時前後天氣和暖於避風處湯洗之洗畢覆被睡一時令有微汗為度此水漬法也經曰漬形以為汗調理半月平復如常

高鼓峯治沈啟廷孫三歲脾虛發腫兩足更甚乳食不  
思午後發熱頭面羸瘦俗醫云此病如用官料藥須  
發黃鼓脹而死但當服草頭藥并以針挑其指出黃  
水自愈浙西人言出自醫家藥籠中者謂之官料藥  
俗傳單方一二味謂之草頭藥何以治之且官料藥  
皆草根樹皮也何出自醫家便為官料信而服之漸  
有回色未幾又發瀉又頭上生毒爛至見骨又出瘡  
皆極重病纏綿不休乃一味補正他病見則隨症稍

加減之如是者自夏迄冬盡用參幾斤餘纔得脫體  
次年長肌肉設感衆說寧有救否

按腫症多濕熱為患雖云脾虛必審其小便長短  
清濁及大便溇燥濃淡以施治法若概云脾虛參  
朮蠻補必致綿延不已今自夏迄冬誠何故哉至  
用參斤餘即今時富家亦有委命而已

孫文垣治張後溪之孫遍身瘡疥浮腫腫自足背起漸  
上大腿今且至腹大便泄瀉發熱少眠此風濕症當



令與時違之候治從開鬼門潔淨府二法使清陽升  
則瀉可止小水利則腫可消上下分去其濕之意也  
蒼朮一錢苾仁桑皮各三錢青蒿防風升麻柴胡各  
五錢錢當是分大腹皮五加皮各六分八帖全安

薛立齋治一小兒肚腹膨脹飲食即瀉手足逆冷以為  
脾氣虛寒先用人參理中丸後用六君子湯而愈

萬密齋治孫先病瘧傷食成疴又傷食甚瘦腹脹大而  
堅見人則哭用參苓朮草半夏麴枳實炒厚朴黃連

木香莪朮砂仁史君子神麴麥芽鱉甲夜明芎歸等藥

一小兒瀉後腹脹用加味竭氣丸服之愈一兒瘡久不退腹大而堅用化癥丸服之愈一兒善食腹大用保和胃苓二方服之調理而安

蔣仲芳曰山中君仲子年十歲患水腫月餘候予不至遇一方士與之草汁大便遂行數次腹寬腫退予適到喜曰病兒久候不至今服草藥幸已愈矣然須服

調理之劑即喚出診之脈來沉細尚微喘按心下則痛甚予曰此非予可能療矣草汁性烈已下數次痛宜愈喘宜定今若此病雖去而藏府真氣受傷必不久也猶未信至明日腹大痛而死

小兒 癖積

龔子才治小兒患痞癖服檳榔蓬朮枳實黃連之類痞益甚曰此脾經血虛痞也不可剋伐遂用六君子加當歸數劑胃氣耗憊脾胃損傷血氣乾涸肢體羸瘦

面色痿黃肚大青筋身熱自汗喘急氣促泄瀉腹脹  
浮腫不思飲食與補中益氣湯久服而愈

萬密齋治一小兒周歲因食雞肉太早自此成積日漸  
羸瘦不思乳食其父詳告取藥治之與養脾去積丸  
白朮陳皮蒼朮厚朴枳殼半夏麴青皮神麴麥芽山  
查甘草先服三日後服丁香脾積丸雞肉湯下取下  
雞肉一片猶未化也再進養脾丸而愈

王氏子一日胃脘當心而痛萬治之七日不止以手摸

其胸腹惟心下手不可近曰悞矣無怪其不效也凡  
手可按者虛痛也手不可按者實痛也實痛非食即  
痰另立方以枳實導引丸控涎丹二方內摘取枳實  
黃連半夏各二錢木香黑牽牛頭末白芥子炒甘草  
等分搗羅為末用生薑自然汁和神麴作丸麻子大  
以沈香木香檳榔磨水下或薑湯亦可初服二十一  
丸少頃痛移下中脘又服七丸至臍下又服五丸利  
下清水而止乃知是脾痛也復作枳朮丸加青皮陳

皮木香砂仁神麴麥冬山查調理而安

李時珍治宗室富順王孫嗜燈花但聞其氣即哭索不  
已診之曰此癖也以殺蟲治癖之藥九服一料而愈

本草

綱目

陸養愚治潘司寇子年十四初因感冒服藥已愈後復  
夜熱便黃日中亦微熱或謂表散之後血氣不足與  
補養氣血熱益甚遂以為童子勞陰虛夜熱也與滋  
降火肚腹漸脹肌肉漸瘦飲食漸減其熱日夜不止

矣脉之人迎頗和氣口緊盛兩尺洪滑此食積也宜消導之與枳實黃連檳榔神麩麥芽山查茯苓澤瀉甘草數劑脹減熱除精神復去檳榔澤瀉麥芽加人參白朮薑數劑痊愈

陸祖愚治費表姪垂髫患瘧後痢初愈復傷食蒸蒸內熱大便欲行不行數至圍而未嘗便醫不細審以久病初愈復日數行其為脾虛滑泄無疑投以參朮補劑經所謂益其勝而贊其復病寧不劇乎服後身熱

益甚煩躁咽乾又以六脉浮洪久痢身熱脉大均非  
吉候診之果六脉洪盛有力而胸腹手不可按曰脉  
症俱實且又相應毋張皇也但久痢之後津液枯槁  
耳用生地當歸白芍黃連倍枳實山查一劑覺腹中  
運動二劑即轉矢氣少頃去燥矢十餘枚遂連去三  
四次脉靜身涼神清氣爽再用生津補脾調理半月  
而愈

薛立齋治一小兒腹內結塊或作痛上攻小便不調用



龍膽瀉肝湯蘆薈丸而愈後形氣消鑠發熱作渴此  
肝木制伏脾土用補中益氣湯及蘆薈丸而愈

湯某嘗治戶部侍郎小娘子患痞蘊積結聚已經年矣  
其候腹滿壯熱大小便閉不食諸醫皆作虛熱潮熱  
或作胃寒不食治然既不食大小便自然少又欲作  
疴熱耳百藥俱試而無一中勢已窘迫招湯視之問  
曰合服何藥荅曰當服甘遂大黃張驚駭曰前諸醫  
者皆用補劑此女不進食久矣不宜利動腸胃荅曰

信我者生逆我者死張曰更有無甘遂而次於此藥方者可否乃令即服大承氣湯二服而愈次日診之尚有餘滯積實其症必過數日而復閉須服前藥始可除根數日後果再閉腹滿痞結再投此藥一服而痊

朱丹溪治賈福六舅子十餘歲左脇有塊能飲食青皮醋炒三稜柴胡三分桂枝川芎防風各二錢白朮二錢半木通一錢半海藻一錢甘草五分分七帖煎取

半盞下保和丸十五丸忌一切

蔣仲方治一兒七歲食後受驚遂發寒熱右脇有塊重則脹痛輕則硬滿已二年忽患三瘡又年餘以丸藥截之瘡雖愈而朝涼暮熱咳嗽骨立痞塊痛甚用芪朮鱉甲當歸各四兩參芍知母丹皮麥芽神麴山查各二兩青陳皮檳榔木香官桂各一兩稜莪柴胡桃仁各七錢煎成膏入飴糖四兩和勻不拘時服未終劑而愈

小兒蟲

萬密齋治王氏子善食嘗病腹痛乃蟲痛也用安蟲丸服之三日後取下一蟲甚異約長一尺身赤色大如鱔令持兩頭牽之長可丈餘其形如綫放下依舊短縮此蟲母也以火焚之而愈

胡氏子嘗腹痛萬診之曰蟲痛也問何以辨之曰凡腹痛一向不止乃積痛也乍發乍止腹中成聚口吐涎水者效痛也先嘗服雄黃解毒丸屢進不效因思此

蟲有靈當設法取之擇定除破日在月初旬取之勿  
令兒知也令隔夜煎下苦練根湯次日五更用清油  
煎雞子餅一個令兒聞其香味遂急欲食故遲不與  
而以少許啖之覺腹中如有物涌上心口乃取藥與  
服之少頃心口之物墜下以蛋食之不食矣已時腹  
中大鳴而瀉下一蟲甚異如指長有頭手足狀如嬰  
兒萬曰此三傳癆蟲也初起於父再傳其母三傳其  
子幸去之矣令一婢用鑊鉗夾送河中焚之其婢受

烟氣一口亦病癆死此兒至今無恙

閩姓子有蟲病黃瘦腹中時痛口饒如有肉食則痛不  
發一日無肉則痛甚萬視其體甚弱不敢下只用苦  
練根皮放肉汁中煮食之單服三日下蟲如蚪斗者  
一盆色黃黑後以養脾丸調理而安

一兒七歲善食肉常病腹痛其父問積痛蟲痛何如萬  
曰積痛發有常處手不可按惡食而口乾蟲痛無常  
處喜手按摩口饒而吐清水此兒乃蟲痛也以藥取

之下蟲大者十餘條而痛止未一月又痛萬曰不可  
再取矣恐傷胃氣乃立一方用黃連木香檳榔去積  
為主陳皮青皮三稜莪朮枳實山查專去其蟲等分  
為末神麴糊丸麻子大米飲下常服之時下小蟲及  
下大蟲如指大約長一尺乃蟲母也自後痛漸減

吳孚先治一婢面黃身瘦嗜油甚至燈盞垢膩都盡與  
藥下蟲如鰕者數枚遂不嗜矣尋肥健

本草綱目載  
患髮癩者能

食油至

五年

一小兒將自身布衣渾身遍喫兩袖喫至肩上吳用煎蟲丸下蟲如蠶者數枚而愈

錢仲陽治辛氏女五歲病蟲痛醫以巴豆乾漆礪砂之屬治之不效至五日外多哭而俛仰睡卧不安自按而心腹時大叫面無正色或青或黃或白或黑目無光面慢唇白吐沫至六日胸高而卧轉不安錢視之用蕪夷散三服見目不除青色大驚曰此病大困若更加瀉則為逆矣至三更果瀉如藥汁以杖攪之見



有元藥錢曰此兒肌厚當氣實今症反虛不可治也  
辛曰何以然錢曰脾虛胃冷則蟲動今反目青此肝  
乘脾又更加瀉知其氣極虛也而元藥隨糞下脾胃  
已脫兼形病不相應故知死病後五日昏篤七日而  
死

龔子才治一兒腹中作痛看看至死腹中揣摩似有大  
小塊諸醫不效乃令人慢慢以手搓揉痛處半日其  
蟲自大便出而愈

四明顧氏女十餘歲，疰羸骨立，百治不瘥。奄奄待斃，偶  
端午家人調雄黃酒，女竊飲之，不覺大醉，嘔穢狼藉。  
視之中有物如鱉蠕蠕，動色純紅，兩眼正碧。家人驚  
怪，以足跣之，頸伸甚長，以鉗夾之，掉頭嚙，鏗格格有  
聲。筮之不死，亟搗槌至爛，埋之土中。明日發視，僅血  
塊耳。自後女日長，成無恙矣。  
新按方  
懋說

朱肇能著圍棋生一女，腹多蟲，偶在何矩所坐，談及一  
醫云：食榧子當愈。果食榧子，下蟲曝乾，尚有八尺長。

續金陵

瑣事

鄉間一大姓有子方周歲值熱天遍身疼痛啼哭不休  
延請諸醫束手無策王起雲後至云能以十金酬我  
一刻即愈主人唯唯乃濃煎甘草湯浴兒未幾兒即  
睡去半日方醒已不作痛矣主人大喜出銀酬之特  
問小兒何病王云此乳母抱之納涼為刺毛所著耳  
疑即毛蟲俗呼為羊辣子故以甘草湯浴之若豫說明豈肯以十

金酬我哉衆大笑而別

雲間雜誌

張子和治一兒悲哭亦以浴愈謂心火乘肺浴之汗出則肺熱散矣

小兒吐蚘

張景岳治胡氏兒三歲因飲食不調幼科與清火化痰等劑損其胃氣反致嘔吐溏泄復與清利遂致吐蚘初止數條漸至數十條細如燈草甚至成團攪結而出早晚不絕所下者亦如之羸困已極因與溫胃飲二三劑其蟲如故不知其何所從來而生化之速一

至於此其家請先逐蟲謂蟲不盡則病日甚其能生  
乎不聽但以前藥倍人參加附子二三劑而嘔吐漸  
稀瀉亦隨止乃以理陰煎溫胃飲出入間用十餘日  
蟲漸少月餘而飲食進肌肉生復元如故大凡逐蟲  
之藥多傷胃氣向使胃氣再傷非惟蟲不能逐病必  
不起今使胃氣日強則拔去化蟲之源而愈矣

世俗以甘蔗宜小兒雖痘食之無禁羣醫相爭一曰性  
熱所以發疹一曰性寒所以解毒一曰性溫平所以

無害及退余檢方書則曰蔗能節虻蟲多者減之少者益之虻適其中則兒無病所以宜兒也豈在寒熱濕平間哉羣醫不學漫猜殊可哂也

李日華紫  
桃軒又綴

小兒心腹痛

月埠張氏兒十歲自幼心痛得於母氣不時發者發時飲食不進呻吟反覆三四日仲淳疏方藥入口即止

檳榔黑丑各一錢木香五分史君子橘紅白芍旋覆

花各二錢茯苓三錢猪苓錢半

廣筆  
記

蔣仲芳治魏交讓子年十歲患小腹痛三四年矣諸治不效診之脈來沉遲二便如常按之無塊此必腎家虛寒也六味地黄丸加炮薑肉桂青皮香附車前牛膝而愈

小兒黃疸

萬密齋治一義子年十五歲病疸面目俱黃問之對曰傷食起腹中大熱又痛乃立一方用黃柏梔子等大黃減可以退其熱猪苓澤瀉茯苓蒼朮等分以去其

濕枳實厚朴神麴以去其食積茵陳蒿倍用以去其黃共為細末酒糊丸車前子煎湯下三日後吐去黃水二椀許胃中不熱又二日泄三行腹中不痛十日以後小便漸清黃亦減矣

孫文垣治王文川子原傷飲食又傷冷菱等物遍身發黃眼如金色夜發熱天明則退腹痛手不可近號叫

通宵市醫因其黃而曰胡白真矣

三字未詳或見土語

衆議以

草頭藥進孫至急止之曰向以草藥幾誤其母復欲



誤其子耶夫脾胃喜溫惡寒此症乃食積釀成黃為濕熱所致法當健脾用溫暖之劑下之濕熱去而黃自退草頭藥性多寒用之是損脾土而益其痰也即以保和丸一錢入備急丸五分作一次服之少頃瀉一次又少頃連下三次去積甚多腹痛盡止再與調中丸一月黃盡退

張子和治一童子年十五病疸一年面黃如金遍身浮腫乏力惟食鹽與焦物張以茶調散之涌涎一盂臨

晚又以舟車丸七八十粒通經散三錢下五行待  
六七日又以舟車丸瀋川散下四五行鹽與焦物見  
而惡之面色變紅再以茶調散涌之出痰二升方能  
愈矣

陸養愚治孫奎者其婦患面黃腹脹人多以為胡白用  
草頭藥療之不半月而殂或咎之彼謂草頭服遲故  
也後其子偶傷冷食腹脹痛手不可近發熱眼胞又  
有黃氣乃曰又是胡白矣急尋草澤醫其主人大叱

之乃止延診曰不必按脉當溫行之脾胃喜溫而惡冷既傷冷食而服草頭寒藥烏得不敗因以炮薑附子草果陳皮木香為煎劑送潤字丸二錢下數行而痛脹俱減又以前劑送大安丸數服而愈

湖郡黃疸  
稱為胡白

此與前孫  
案略同

薛立齋治一小兒旬日內先兩目發黃漸及遍身用瀉黃散服之痊

一小兒因母食鬱飽脹噯酸而患遍身皆黃以越鞠丸

治其母以瀉黃散治其子並愈

錢仲陽治曹宣德子三歲面黃時發熱不食飲水或用  
牛黃麝香二丸不愈用止渴乾葛散反吐不謂食伏  
於胃腕先以四餅子下之又以消積丸磨之而愈

小兒啼哭

張子和治一小兒悲哭彌日不休兩手脈弦而緊此心  
火甚而乘肺肺不受其屈故哭肺主悲王太僕云心  
爍則痛甚故爍甚悲亦甚令浴以溫湯漬形以為汗

也肺主皮毛汗出則肺熱散矣浴止而啼亦止仍命服涼膈散加當歸桔梗以竹葉生薑朴硝同煎瀉膈中之邪熱

萬密齋治縣尹張之子未周啼哭晝夜不止醫謂腹痛用理中丸不效又謂傷食用益黃散不止萬視之曰公子腮頰目赤乃心煩而哭也若腹痛當面青傷食當面黃也乃用導赤散加黃連麥冬燈心煎服之次日早即促入告曰昨夜哭更多何也萬曰病安矣曰

病安何以哭不止曰公子啼哭三日夜不乳昨夜熱  
退心涼欲得乳而乳母在外蓋往夜之哭病哭也昨  
夜之哭饑哭也乃笑曰果然乳母五更到哭即止矣  
江某生子三日啼不止萬視之曰此必斷臍失謹風冷  
之氣入臍腹痛而哭也乃用蘄艾搗如綿再烘令熱  
以封其劑冷則易之凡三易而哭止

一兒生二月啼不止萬曰此肝熱也以瀉青丸竹葉湯  
入砂糖少許調服而安

一小兒夜啼不止狀若鬼祟用蟬蛻下半截為末一字薄荷湯入酒少許調下或者不信將上半截為末前湯調下即復啼也古人立方莫知其妙

本草綱目

普濟出

徐仲光嘗治一兒觸忤夜啼用本家竈下火柴頭一段以硃書云我是上天五雷公將你作神將能擒夜啼鬼一縛不放急急如律令柴頭以火燒焦為主書字時不使人知之立在牀下倚牀前腳裏面

男左女右

孝廉楊回山止一子方歲周暑月旦暮啼甚不食乳  
亟召王起雲視之王曰從我則生否則不可救也  
然須以百金酬我楊謹奉教王乃於堂中用石灰  
畫一大圈置兒其中屏去乳母兒啼甚移時睡去  
王遂索香薷飲俟其睡覺以藥一丸投之隨瘥蔡  
寧訥問曰子何術而神若是乎王曰乳母甚肥大  
又暑熱兒愈哭則乳母愈樓抱不忍釋兒中熱太



甚所以啼不食乳我俾以哭散其熱氣即愈矣石  
灰畫圈醒後投劑不過假以索謝耳此所謂術也

蔡為之鼓掌

雲間  
雜誌

馬銘鞠治華虛舟五郎疋甚善哭周歲中每哭即氣絕  
絕而甦一飯時許矣至三歲其病日深哭而絕絕而  
甦甚至經時初或一月或半月一發後則頻發有日  
再發者投以琥珀丸人參圓眼湯下數丸遂瘥琥珀  
人參甘草蓮肉各三錢山藥一兩天竺黃茯神胆星

各二錢蜜丸硃砂錢半為衣每服一錢

小兒

語遲  
行遲

龔子才治一小兒五歲不能言咸以為廢人矣視其形  
瘦痿乃肺腎不足遂用六味丸加五味鹿茸及補中  
益氣湯加五味兩月餘形氣漸健將半載始能發一  
二言至年許始聲音明亮

一富翁子年八歲不能步履緣過惜不令得土氣致肌  
肉軟脆筋骨柔弱用黃土入於夾襖內與穿內服地

黃丸加人參鹿茸牛膝虎脛骨未半料已能行矣

薛立齋治一小兒言遲患泄瀉聲音不亮雜用清熱等劑聲音如啞飲食少思去後多在侵晨朝用地黃丸加五味夕用補中益氣湯其泄頓止却專服前丸不兩月其言漸亮而愈

一小兒三歲言步未能牙髮稀小體瘦骨立發熱作渴目睛黑少服肥兒丸不應此腎虛疳症也前丸乃脾胃經之藥久服則腎益虛而疳益甚不信果牙髮漸落

用六味丸加鹿茸五味子半載而痊

一小兒體瘦腿不能行步齒不堅固髮稀短少屬足三陰虛用六味丸補中益氣丸半年諸悉愈形體充實

一小兒七歲腿細短寸許不良於行目睛白多或有盜汗發黃成穗用地黃丸加鹿茸五味為主佐以補中益氣湯半載行履如故

小兒

胎疾

萬密齋曰一兒頸細其父嘗問於予可養何如予曰頸

者頭之莖細則不能任元在父母調養之八歲後再  
議至五歲死

一兒解顱未一歲認字念書父母甚愛之予曰此兒胎  
稟不足腎虛顱解真陽弱矣聰慧早發真陽洩矣恐  
遺父母憂未一歲而發搐死

一兒周歲後多笑予曰此兒難養父問故曰腎為水心  
為火水陰火陽陰常不足陽常有餘笑者火之聲也  
水不勝火故知難養曰諸兒笑者皆不可養乎曰待

人引之而笑者此有情也見人自笑者此無情也後以瘡痘死

一兒頭縫四破皮光而急兩眼甚小萬曰腦者髓之海也腎主骨髓中有伏火故髓熱而頭破額顱大而眼撈小也宜服地黃丸不信至十四歲而死

一兒生下便有目赤口瘡之症自是頭常熱山根青筋橫截幼痰甚多曰此胎熱也其治在肝小兒者純陽之體頭者諸陽之會肝為乙木旺於春乃少陽發生

之氣經云春氣者病在頭故頭常熱也肝之色青故青筋浮露也肝常有餘不治恐發驚風乃用瀉青丸去大黃加黃芩為末蜜丸服之遂頭涼筋隱病亦少矣

小兒 魛病

萬密齋治一小兒二歲常利下綠水形瘦如鬼醫作疳病治之不效萬曰此非疳也乃胎氣所害名曰魛病者是也凡人家小兒勿與懷孕婦人抱之如胎稟強

者則無礙怯弱者犯之即行魃病如客忤之類治之  
但補其脾胃待彼兒生自然安矣肥兒丸主之

巢氏云小兒被魃病者婦人懷胎孕有鬼神導其腹中  
胎嫉妬小兒致令此病其狀微微下利寒熱往來毛  
髮鬢鬢情思不悅也千金論魃者小兒鬼也凡婦人  
先有小兒未能行而母繼有胎妊令兒漸漸羸瘦骨  
立毛髮稀黃不長時作壯熱大便不勻乃魃病也又  
曰魃病法當用紫霜丸下魃乳以益散補之令小兒



斷乳即安消乳丸異功散亦妙劑也其或他婦人有  
妊而抱他人嬰孩者亦有此症同此治法有熱者龍

胆湯

小兒 相思

薛東明治王生子周歲忽不乳食肌肉消盡醫疑為疳  
蔣曰此相思症也衆皆嗤笑之蔣命取平時玩弄之

物悉陳於前有小木魚兒一見喜笑痰遂已

江南  
通志

萬密齋治胡三溪子歲半日入後忽啼不止時七夕也

三溪招萬飲已而報兒啼甚請入視之無病也飲未竟其室人以兒故語稍侵三溪強再視細察之實無病無病而哭必心有所欲不能言也乃問曰此兒今日所喜弄者何物乳母曰馬鞭子即令取至乃笑而持之擊其乳母不復哭矣於是暢飲而罷明日有問者曰此小兒害相思病也可以為案

一兒半歲忽日慘然不樂昏睡不乳萬曰形色無病將謂外感則無風寒之症將謂內傷則無乳食之症此

兒莫有所思思則傷脾乃昏睡不乳也其父母悟云  
有一小廝相伴者吾使他往今三日矣乳母亦云自  
小廝去後便不欣喜不喫乳父急命呼之歸兒見其  
童嘻笑父曰非翁妙術不能知也

續名醫類案卷四十七

欽定四庫全書

續名醫類案卷四十八

錢塘魏之琇撰

小兒

跌撲損傷

薛立齋治少叅王陽湖孫八歲傷股骨正體科續之視其面青而蕪黃口角微動此肝木侮脾土症也且氣血筋骨皆資脾土而生但壯脾氣則所傷自愈遂用六君子湯加鈎藤當歸三十餘劑諸症悉愈

義具楊純父幼兒病寒熱勢甚棘諸醫以為傷寒也藥之不效仲淳曰此必內傷純父不信編詢乳媪及左右並不知所以傷故仲淳固問不已偶一負薪者自外至聞而訝曰曩見郎君攀竹稍為戲梢折墜地傷或坐此乎仲淳曰信矣投以活血導滯之劑數服而起仲淳嘗言古先望聞問而後切良有深意世人以多問嘲醫醫者含糊診之以致兩誤悲夫

廣筆記

一小兒五歲因目戲劇以莖入搗藥臼中不復出舉家

驚呼無計或教之使執兒兩足以新汲水急澆之兒  
驚啼體縮遂得出

小兒發背

張景岳長男甫二周而患背疽初起時背中忽見微腫  
數日後按之則根深漸濶其大如碗皮色不變亦不  
甚至十餘日身有微熱其熱滋甚乃謀之瘍醫或云  
背疽或云痰氣或曰葷腥溫補毫不可入口乃以解  
毒之藥投之而身反大熱神氣愈困飲食不進因思

丹溪有云癰疽因積毒在臟腑當先助胃氣為主使  
根本堅固而以行經活血佐之又曰但見腫痛參之  
脉症虛弱便與滋補氣血無虧可保絡吉是誠確論  
也

全書中何以  
大非薄之

因却前賢而專固元氣以內托其毒

遂用人參三錢製附子一錢佐以當歸熟地炙草肉  
桂之屬一劑而飲食頓進再劑而神采如舊抑何神  
也由是弛其口腹藥食並進十劑而膿成以其根深  
皮厚復用針出膿甚多調理月餘而愈大凡腫瘍虛



症未見但無實熱壅滯可據者便宜托補如此

張子和治一富家女子十餘歲好食柴櫻每食即二三斤歲歲如此至十餘年一日朝熱如勞診其兩尺脉皆洪大而有力謂之曰他日必作惡瘡腫毒熱上攻因陽盛陰脫之症其家大怒不肯服解毒之藥不二年患一背疽如盤痛不可忍其女忽思張曾有是言再三悔過請張張以針針繞疽暈刺數十針去血一斗如此三次漸漸痛減腫消微出膿而斂將作痂

時使服十劑內托散乃痊痊後終身忌口然目亦昏  
終身無子

小兒

結核

萬密齋治朱震三之子結喉上生一核如李原病式云  
結核者熱也又考本草消結核之藥立一方苓連梔  
貝昆布海藻桔梗麥芽薄荷各一錢五分紫背大葵  
元參連翹瞿麥各二錢為末溫湯調服即效後病者  
服之無不應驗名之曰神應丹

師碧泉公子項下生一結核或作痢治用藥破爛轉加  
腫大此任脉所過之路元氣受傷致成疔症遂不救  
王思泉女四歲耳後側有結核曰非癰瘡乃痰核也不  
必治亦不為害他醫作癰治之用蟿蝨內消之藥過  
多脾胃受傷致成疔勞而死

朱氏子五歲病結喉下生一核大如李兩旁有小核相  
連者二三方用東垣涼膈散去甘草加龍胆草元參  
貝母海漆麥芽為丸彈子大每服一九研細溫酒調

服七日而安後用此方全活小兒甚衆

薛立齋治一小兒七歲頸結二核時發寒熱日久不愈以連翹丸治之而消若患在面臂等處尤當用此藥若潰而不斂宜服托理之劑

小兒下疳

附錢傳陽

薛立齋治一小兒二歲莖痿濕痒後陰囊焮腫莖中作痛時出白津以為肝火用龍胆瀉肝湯六味地黃丸而愈

一小兒下疳潰爛發熱作痛一小兒莖中作痒不時搔  
撿一小兒莖中潰痛小便秘澁日晡尤甚一小兒目  
痒出水或項間結核或兩眼連劄或陰囊搔痒俱屬  
肝火皆用九味蘆薈丸並愈

萬密齋以王府小女溺出如青水著肉處潰爛成瘡問  
曰豈女之臟腑壞耶荅曰膀胱受五臟之液以藏之  
化為溺也各隨本臟之色青者肝之色也著處成瘡  
肝火盛也火之所灼則潰爛矣以導赤散加山梔條

苓胆草甘草稍黃柏為丸調理五日而安

薛立齋治魏戶部邦寧子年十六鼻目蝕爛肝脉弦長  
恚怒不息三年不愈諸藥不應服蘆薈丸半劑頓退  
一劑而痊

一小兒下疳潰爛爪黑面鰲遍身生疥此腎經內外疳  
症用地黃丸為主佐以四味肥兒丸而痊

邱汝誠治一嬰孩以線縛其陽莖腫脹不得脫號呼欲  
絕令汲水擲之於器驚啼復故

揮塵  
新譚

小兒疝

薛立齋治一小兒羣丸作痛小便赤澁寒熱作嘔乃肝脾之症用小柴胡湯加山梔車前茯苓而愈

一小兒羣丸腫硬小便黃澁用小柴胡湯加山梔車前并蘆薈丸而消

萬密齋治梁大尹子病疝右羣丸腫大如雞卵長約五寸絡臍旁下抵陰囊硬痛大小便不通用當歸川芎木香青皮山梔仁山查子小茴香川棟子澤瀉二劑而

安

一小兒腸痛

即小腸  
疝也

用諸症辨疑內一方五苓散加川

練子小茴香入鹽一捻神效

張子和治霍秀才之子年十二歲羸丸一旁腫胎張見  
之曰此因驚恐得之驚之為病上行則為嘔血下則  
腎傷而為水腫以琥珀丸通經散一瀉而消散

小兒便血

高存之幼郎病內傷大小便俱血諸醫競用紅花桃仁



病愈甚仲淳曰桃仁之類疏其瘀也血且行奈何又重傷之傷則補之而已以生地四錢續斷及杜仲牛膝等飲之稍平而腹痛不已仲淳曰是在內經強者氣盈則愈弱者著而成病加人參二錢一劑而愈

廣筆記

湯某治鄭都丞子患七年搖頭三年下血已服百餘方前後所服治搖頭者無非風藥止血者或作腸風俱不效湯視之亦不明其標本退而思之乃肝血液盛外有風熱乘之

謂肝病則得之矣謂血液盛而風熱外乘則未必然

肝屬木盛

而脾土為木所尅脾與肺是子母俱為肝所勝而血  
遂漬於大便故便血不止遂處一方但損肝祛風而  
益脾初亦一時之見只數服而愈十餘日後血止而  
下白膿遂安用犀角屑甘草各一錢瓜蒌半兩蛇蛻  
瓜蒌半兩蛇蛻一錢防風五兩鈎藤一錢麻黃一錢  
兩羌活白芍各半為末棗肉丸食後薄荷湯下只二  
服作效頭搖即止便血隨愈次間服胃風湯數日頓  
除沈舍人子服之亦效

蔣仲芳治周忠介公孫女年七八歲大便下血不止有  
用黃連犀角者有用人參阿膠者俱不效診得氣口  
沈緊令服末子三進而血止問故曰人但知脾虛不  
能攝血不知飲食傷脾亦不攝血今用消導之劑食  
去則脾氣復而血自攝焉得不愈其末子即沈香末  
也

小兒疳瘡

薛立齋治一小兒頭患白瘡皮光且急諸藥不應名曰

腦疔瘡乃胎毒挾風熱而成也服以龍胆丸及吹蘆  
薈末於鼻內兼搽解毒散而愈若重者髮結如穗腦  
熱如火遍身汗腮腫胸高尤當服此藥

一小兒咳嗽喘逆壯熱惡寒皮膚如粟鼻痒流涕咽喉  
不利頤爛吐紅氣脹毛焦作名曰肺疔以地黃清肺  
飲及化蘆丸治之而愈

一小兒眉顰多啼嘔吐清沫腹中作痛肚脹筋青唇口  
紫黑肛門作痒名曰蛔疔以大蘆薈丸治之而愈有

蟲食脊脊身熱黃瘦煩溫下利拍背如鼓鳴脊骨如  
鋸齒十指生瘡常啮此脊疔也當以前丸治之

一 小兒鼻外生瘡不時揉擦延及兩耳諸藥不效以蘆  
薈丸及搽松香菜豆末而愈

一 小兒十歲患瘡疥久不愈肌體羸瘦寒熱作時腦熱  
足冷滑瀉肚痛齟爛口臭乾渴爪黑面黧此腎疔也  
服六味地黃丸更搽解毒散而愈

一 小兒十五歲遍身似疥非疥膿水淋漓晡熱口乾形

體骨立四年矣腎疔之症用六味丸而痊後陰莖作  
痒小便澄白患疥瘡如大風用蘆薈四味肥兒丸諸  
症漸愈又用大蕪夷湯而全安

一小兒項結一核堅硬如栗面色痿黃飲食不甘服托  
裡藥不應此無辜疔毒也以蟾蜍丸治之而愈若數  
服不消按之轉動軟而不痛者內有蟲如粉宜急針  
去之若不速去則蟲隨氣走內蝕臟腑不治丸用蟾  
蜍一枚夏月溝渠中取腹大不跳不鳴者先取糞蛆

一杓置桶中以尿浸之桶近上令乾使蛆不得出將蟾蜍撲死投在蛆中任與蛆食次以新布袋繫之置水急處浸一宿取出瓦上焙為末入麝香五分軟飯丸如麻子大每服二十九丸空心米飲下

一小兒遍身生瘡頭髮成穗眉毛脫落肌肉消瘦大便酸臭小便不調頸間結核肚大青筋先用五味異功散月餘後用四味肥兒丸又用大蕪荑湯異功散而痊

一小兒面黃頰赤作渴驚悸兼手心發熱遍身如疥此  
心經內外疔症用肥兒丸為主佐以秘旨安神丸而  
愈

史少參幼子二歲項後結核不時仰首或以為熱瘡內  
潰用針決之服消毒之藥後曲腰啼哭謂此無辜疔  
外疔症也曲腰而啼內疔症也果歿

一小兒數歲腦後並結二核肉色如故而無腫正屬  
膀胱經觀其形狀審其糞色兼屬肝脾腎三經用九



味蘆薈丸以清肝脾地黃丸以補腎水形體漸健不  
兩月而消

一 小兒遍身如瘡或痒或痛肌體消瘦日夜發熱口乾  
作渴大便不調年餘不愈用蘆薈丸以治肝兼五味  
異功散以補脾而愈

小兒 瘍症

薛立齋治一三歲小兒臂患毒焮痛服解毒丸及搽神  
功散而消嘗治便秘或煩躁服五福化毒丹亦效若

膿成者急刺去用紙撚蘸麻油經瘡內以膏藥貼之  
若兒安靜不必服藥候有膿取去仍用紙貼有小兒  
瘡毒不愈或愈而復發皆因其母食炙博辛辣或有  
熱症宜先治母熱就於母藥中加漏蘆令母服之其  
瘡亦愈

一週歲小兒先於頭患瘡疥漸至遍身久而不愈飲四  
物湯加防風黃芩升麻外搽解毒散月餘而愈

一小兒頭面患瘡數枚作痒出水水到處皆潰成瘡名

曰黃水瘡也用萊豆粉松香為末香油調傅飲以荆  
防敗毒散而愈

一小兒頭面生瘡數枚作痒瘡痂積累名曰粘瘡也以  
枯白礬黃丹末等分麻油調搽更飲敗毒散而愈

一小兒癩疹瘙痒發熱不安以消風散治之又一小兒  
亦患此咳嗽時嘔以葛根橘皮湯並愈

一小兒頸面胸腹患水泡數枚潰而成瘡此風邪乘於  
皮膚而然也名曰癩瘡飲荆防敗毒散更以牛糞燒

存性為末傅之而愈有瘰癧一症為患最毒形如粟許大者如粟患無常處多在手指潰而出血用南星半夏白芷末傅之重見骨或狂言煩悶

一小兒遍患疥如痢或痒或痛肢體消瘦發熱口乾作渴大便不實年餘矣此肝脾食積鬱熱服蘆薈丸不月而愈

一小兒因有食積服尅滯之劑肢體生瘡似疥服消毒之藥發疔瘡赤色作痒膿水津淫先用五味異功散

加柴胡山梔以補脾胃平肝木赤痒漸消又用四味肥兒丸五味異功散治之而食積愈

一女子赤暈作痒寒熱發搐服風藥身發疙瘩搔破出水此肝血風熱之症先用加味小柴胡湯後用四味肥兒丸而愈

又後傷風咳嗽頭面搔痒微腫先用消風散一劑又用子清肝散而痊

一小兒遍身生瘡小便不調頸間結核兩目連劄服祛

風之劑眉毛脫落謂肝經風熱之症先用大蘆薈丸  
後用四味肥兒丸漸愈後因飲食停滯發熱其瘡復  
覺用大蕪蕘湯四味肥兒丸而痊後每停食遍身發  
赤作痒服四味肥兒丸即愈

一小兒面部浮腫遍身如癬半年後變疣瘡色紫作痒  
敷巴豆等藥皮破出水痛痒寒熱大便堅硬脾肺脉  
洪數而實先用防風通經散便利調和又用四物湯  
加荆防黃芩柴胡角刺甘草節諸藥漸愈更以八珍


湯加白朮荆防角刺五加皮而愈後但勞則上體發  
赤暈日晡益甚此氣血虛而有火也先用四物湯加  
丹皮參朮柴胡治之稍愈又用補中益氣加酒炒黑  
知柏月餘全愈

一小兒遍身生瘡大便下血發熱作渴腹大青筋眉毛  
漸落用大蘆薈丸五味異功丸其瘡漸愈佐以補中  
益氣湯熱渴漸止又用異功散為主佐以補中益氣  
湯加吳茱萸所製黃連治之血止瘡愈

一女子素有肝火因怒頸項結核寒熱晡熱遍身起赤  
暈作痒服祛風之藥搔痒出水唇口搐動以為脾經  
血虛內熱生風用梔子清肝散加鈎藤而寒熱頓減  
又用當歸川芎散而漸愈乃用加味逍遙散而痊  
一小兒遍身搔痒或如蟲行內服胡麻散外敷解毒藥  
患處皆潰誠如麻風視其唇或掣動或兩目連劄此  
肝木乘脾土用升麻湯煎服瀉青丸而漸愈又用樺  
皮散而痊



一小兒身搔痒起赤暈後膿水不止先用歸脾飲二劑  
又用胡麻散而愈後因驚挾食發熱起赤暈用越鞠  
丸一錢枳朮蓬朮各五分葱湯調服二次又用消  
風散一服赤暈頓消又用越鞠丸而痊



續名醫類案卷四十八